







ang.









24

3312

170699

Smith

9292

# CATECHISME

## IROQUOIS.

TROISIÈME ÉDITION.



THE  
LIBRARY OF THE  
MUSEUM OF NATURAL HISTORY  
AND  
GEOGRAPHY  
OF THE  
CITY OF BOSTON  
1854

加 工 熟 地 各 400 畝

加 工 熟 地 各 400 畝

加 工 熟 地 各 400 畝

PM

1884

IONTERI8AIENSTAK8A

M24

*Catechism*

NE

1875

*of the*

KARIIHSTON TEIEIASONTHA,


*Religion*

*Catholic*

50A

KAHNA8AKEHA.

*for the use of - Coughlin's*



9292

*by*  
*(Pere Joseph Marquette)*

TIOHTIAKE

*Montreal*

TEHORISTORARAKON J. CHAPLEAU ET FILS.

*Printers*

1875.

PM 1884

M24

1875

*IMPRIMATUR.*

† IG., Ep. Marian.

*Marianop., 25 Nov. 1875.*



# IONTERISA IENSTAKSA

NE KARIHIIOSTON TEIEIASONTHA.

---

## I. TEIEIASONTHA.

*Sari8iioston ken ?*

8akeri8iioston, rakitenron ne Ra8enniio.  
*Onka iakori8iioston iontatiats ?*

Ne iakotenek8aheston, ak8ekon ionton-  
tats tsini ha8ennoten Iesos.

*Nahoten akoteniententsera niakori8iioston ?*  
Tsi teieiasontha.

*To tetsiasonten ?*

† Rasennakon Roniha, nok Roienha, nok  
Rotkon Roiatatokenti ; ethonaia8en.

*Katke nataieiasonten ?*

Tsinaehie, tsi nakota8e, tsi naonteren-  
naien, tsinateiiontskahonne, tsinaek8entane,

nok oni ne 8atiakotonharenron othenon  
aiakonikonhrotako notkon.

*Oh nia8ens natieiasonten?*

Ok sa ok onteko Notkonseraksen; senha  
8asakonon8ene ne Ra8enniio, 8asakoiane-  
renste oni.

Niawen satenekwaheston,  
Sataska tsi tetsiasontha,  
Iesos Kristos hetsienteri,  
Hetsenonwenn, hetsenenton.

Niawen, Iesos Sewenniio,  
Ionehrakwat takitenron;  
Askon n'akonnoronkwake,  
Askon n'akateweienton.

---

## II. TSINIHAIATÖTEN NE NIIO.

*Onka ionk8aiatison?*

Niio sonk8aiatison.

*Nahoten ra8eron tsi sonk8aiatison?*

Ra8eron: aionkienterihake, aionkenon-  
8ehake, aionke8ennarak8ake oni tsinen8e



eniakonnheke, nok nentiakori8aieriton en-  
iontsennonni karonhiake tsi neniontonnho-  
kten.

*Toni haiatoten ne Niio ?*

Raonikonhroskon, iah othenon tetiotokte  
tsini haiatoten ; roronthison, raon8entsison ;  
ak8ekon oni raonhatsi8a ra8ennio tsi tion-  
nhe.

*Nahoten aori8a tsi ionton : raonikonhroskon ?*

Ne aori8a tsi iatehaiatonte ; iahtehaia-  
taieronni ; iah kati taonton ahon8aken non-  
8entsiake iiens.

*Kanihenteron ne Niio ?*

Okti8ak8ekon renteron ; karonhiake, on-  
8entsiake, on8entsiakon oni.

*Ohnihatierha karonhiake ?*

Sakotsennonniatennis ne tieteron.

*Ohnihatierha non8entsiake ?*

Ori8ak8ekon ratsteristha.

*Ohnihatierha non8entsiakon ?*

Sakohre8atha notkonseraksens ; etho oni  
sakoiatonties nonk8e iakori8anerahakskon.

Ise, Niio, takiatison,  
 Ise takonnhetonhaties,  
 Ikehre : riwennarakwak,  
 Karonhiake takatentsa.

Iakotaskat ronwanonwes,  
 Iakotaskat ronwanentons,  
 Nonwentsiake ronwaskaneks,  
 Karonhiake ronwatkathos.

### III. ASENSERATOKENTI.

*Totasa8e ken ne Niio tsi ronnhe ?*

Iahten ; ok sironnhe, tiotkon oni enhron-  
 nheke.

*Tonihati ne Niio ?*

Saiatat ok, iah taonton tohka nahatihake.

*Tonihati raonhakon ne Niio ?*

Asen ; Roniha, Roienha nok Rotkon  
 Roiatatokenti.

*Niio Ken ne Roniha ?*

Niio ne Roniha ; Niio ne Roienha ; Niio  
 oni ne Rotkon Roiatatokenti.

*Asen katiken nihati ne Niio ?*

Iahten ; ne ok ne asen natehaisere ; shaiatat ki ok tiotkon ne Niio Ra8enniio tsi tionnhe.

*Onka/kako8anen nasennihati ?*

Ok satehonnas, aseken skanikonhrat, ska8ennioserat oni tsi asennihati.

*Ak8ekon ken tehakanere ne Niio ?*

Ak8ekon tehakanere, aseken okti8ak8ekon tenteron ; tehakanere oni tsini iakoni-konhra8ens ak8ekon nonk8e.

Ok si hanakere Niio,  
Tiotkon oni enhronnheke ;  
Shaiatat ok, asen tenhnon  
Natehaisere Niio.

Iken : Roniha, Roienha,  
Rotkon Roiatatokenti :  
Ok satehonnas, shaiatat  
Tiotkon tsi asen nihati.

## IV. ONK8E ROTATONNI.

*Kanikaien nasen nihati onk8e rotonhon?*

Nene Roienha, Iesos Kristos Sonk8a8en-niio ron8aiats.

*Onka ron8ate8eton Iesos Kristos?*

On8ari ioiatatokenti iate kanak8aienteri.

*Oh ni ia8enhon tsi iote8eton Non8ari, iah se te kanak8aienterihne?*

Raonha ne Rotkon Roiatatokenti roson Iesos raieronke nok raotonnhetston On8ari kaiatakon.

*Nahoten ra8eron Niio Roienha tsi onk8e rotonhon?*

Ra8eron: aonsakenerensi nonk8e iako-nask8aientak8e notkonseraksen; ra8eron oni: aonsakeri8ahtonte ne kari8aneren; aonsakeskontako nonk8e on8entsiakon taia-kotonnhakarihon.

*Tokenske katiken aiakothkaronnihon nonk8e, niah onk8e tahotonhon Niio Roienha?*

Tokenske ak8ekon nonk8e aiakotetsira-ton non8entsiakon.

*Toni Senniseroten rotonni Niio Roienha ?*

Ne non8a kon8aiats *Sahatonni* ra8enni-  
sera.

*Ohni hoieren non8entsiake siresk8e ne Iesos ?*

Sakorionnienni nonk8e tsi naieiere naia-  
koiatatokentonhake ; sakoseronnienni oni  
ioianerenstak8a nakotonnhetston ; sakoron-  
hiakense, saka8enheiae oni.

Toni ioriwahnerakwat !  
Niio onkwe rotatonni,  
Iesos Kristos ne ronwaiats,  
Nene sesonkwaskontakwen.

O Iesos takewenniio !  
Konsennaiens nok konnentons,  
Hiatatienha Rawenniio,  
Mari oni hiatatienha.

#### V. SESAKOSKONTAK8EN.

*Ra8enheion katiken Niio Roienha onk8e  
rotonhon ?*

Ra8enheion tekaiasontne, ne ra8enheia-

ton tsini sakonon8ehon nonk8e; ra8eron :  
ii akiheie, akaonha aiakonnheke nonk8e  
nok aiakoientake aiontsennonni karonhia-  
ke tsinen8e.

*Toni 8enniseroten ra8enheion ?*

Ne non8a kon8aiats *Ron8aiatanentakton-  
ne* ra8ennisera.

*Toni 8enniseroten shotonnheton ?*

Ne non8a kon8aiats *Sonsahatonnhete* ra-  
8ennisera.

*Toni 8enniseroten karonhiake iesha8enon-  
ton ?*

Ne non8a kon8aiats *Iesos karonhiake son-  
sarete* ra8ennisera.

*Toni 8enniseroten thonnhaon ne Rotkon Ro-  
iatatokenti ?*

Ne non8a kon8aiats *Rotkon Roiatatokenti*  
ra8ennisera.

*Ka tenteron non8a ne Iesos ?*

Niio tsini haiatoten, okti8ak8ekon tente-  
ron ; nok Onk8e tsini haiatoten, karonhia-  
ke Okaristiakon oni renteron.

Sonkwaronhiakense Iesos,  
 Rawenheion kaia sake ;  
 Taonken sonkwanonwehon !  
 Taonken hoiatanonwet !

Shotonnheton, sekon sronnhe,  
 Ieshenteron karonhiake,  
 Okaristiiakon oni  
 Roiatasetakwenhaties.

---

## VI. KENHEION.

*Ak8ekon ken ente8enheie ?*

Ak8ekon ente8enheie, katke ki ok, raon-  
 ha entennonton ne Ra8enniio.

*To nenioiata8en ne te8aieronke kenha ?*

Okenrokon enkon8aiatata.

*Iaten8atkonten ken nokenrokon ?*

Iahten ; tsi nense8aton8entsiarisi ense8a-  
 tonnhete.

*Enkenheie ken nonk8atonnnhetston ?*

Iah ne non8enton takenheie.

*Oh kati nenioiata8en nonen tenkiatekhasi ne  
 te8aieronke kenha ?*

Raonha ne Ra8enniio ok sa ok tenhaia-torete tsini iori8aien ne kari8iio kari8aksen oni.

*Ka kati niienhen8e nonk8atonnnhetston nonen tenhaiaatoretak8enton ne Ra8enniio ?*

Tokat karonhiake, tokat on8entsiakon, tokat oní tsi tetieseronniatha, ka8enniio ki tsineniakotateri8atsenriase.

Enkiheie katke ki ok,  
Rawenniio enthennonton ;  
Nok tenhnon enskatonnnhete  
N'entsiwatonwentsiarisi.

Karonhiake ne kaskaneks,  
Onwentsiakon ne ketsanis,  
Akwa oni ieronhiakens  
Tsi tetieseronniatha.

## VII. NONEN IAKA8ENHEION.

*Onka ok sa ok karonhiake eniente neniai-heie ?*

Ne niah non8enton teiakori8aneren ; ne oni niakori8anerenhenne, nok tsiakotatre-



8aton, ak8a oni tetsiakori8aserak8en, sek on8entsiake siensk8e.

*Nahoten iontsennonniatak8a ne karonhiake?*

Ne iontsennonniatak8a tsi ron8akens ne Ra8enniio ron8anon8es oni iatekakonte.

*Onka on8entsiakon eniente?*

Ne niakori8anerahakskon ron8a8ennon-tion ne Ra8enniio, nok iahtetsiakotatre8a-ton sek on8entsiake tsi iensk8e.

*Nahoten teiontonnhakariatha niakori8anerahakskon non8entsiakon?*

Ne teiontonnhakariatha 1. iakonikonh-ranon8akta tsi iakori8aneren, iahten tsi ten-se8aterisionhe; 2. teiontonnhakariatha ne tsi ieiat8ekon 8ahontetsirate otsirake ia-te8as8as; 3. teiontonnhakariatha ne tsi ia-tekakonte teiakotekhasion ne Ra8enniio, iah non8enton tiiahon8aken, tiotkon tenh-non ensakos8enseke.

*To nen8e teniontonnhakariaseke non8entsia-kon?*

Tsinen8e enhronnheke ne Ra8enniio; iah kati non8enton tataontaieiakenne, ase-ken iah non8enton tiiahatonnhokten.

*Onka tsi tetieseronniatha eniente ?*

Ne niakori8iioston kenha, arekho ak8e-  
kon tatetsiakori8aserak8en tsini iakori8ane-  
ren sekon on8entsiake siiensk8e.

*Nahoten ieronhiakentha tsi iakotiaktani tsi  
tetieseronniatha ?*

Ne ieronhiakentha tsi iahtehon8akens ne  
Ra8enniio, tiotkon ron8aiatisaks tsini hon-  
8anon8es ; ne oni ieronhiakentha tsi 8ahon-  
tetsirate ; katkeha sane entsiontiatontako,  
karonhiake eniente.

Keronhiaken n'onwentsiake  
Takatentsa karonhiake,  
'Tosa iaake n'oneshon,  
Otsirake iahte waswas.

Takrewat nonwa tsi ikes  
Nonwentsiake, Sewenniio ;  
Nok tenhnon askitenrane  
Nonen enkiheionsere.

---

## VIII. KARI8ANEREN.

*Nahoten ne kari8aneren?*

Kari8aneren kon8aiats, tsi ron8a8ennonties ne Ra8enniiio, nok tsi kon8a8ennonties ne Kentiohk8atokenti.

*Toniori8ake tateiori8ate ne kari8aneren?*

Teiori8ake : enskat kari8anerahakserakaion nok enskat kari8anerahakserase.

*Nahoten ne kari8anerahakserakaion?*

Ne kari8anerahakserakaion kon8aiats, ne raotiri8anerahaksera tonatierenton nonk8e ; te8ak8ekon tionkiri8anerahakserarhon sete8ennakerate.

*Nahoten ne kari8anerahakserase?*

Ne kari8anerahakserase kon8aiats, nok ii ne tionk8e te8atsenries, ii te8atateri8anerahakserarhos, nonen ionk8anikonhroton non8entsiake.

*Toni iotitiohk8ake ne kari8anerahakserase?*

Teiotitiohk8ake : enskat iori8atsanit nok enskat kenniiori8asha.

*Nahoten ne iori8atsanit?*

Iori8atsanit kon8aiats, ne ak8a ioiataksa-

aha nonk8atonnhetston, skarisions ioiane-  
renstak8a, ionk8annhotons karonhiake, nok  
ionk8anaktaienn8is non8entsiakon.

*Nahoten ne kenniiori8asaasonha?*

Kenniiori8asaasonha kon8aiats, nok eken  
iotsiihtonnis nonk8atonnhetston, kentak-  
sata oni ioianerenstak8a, iah sane ak8a tes-  
karisions.

Ise sheriwahtontennis  
Iakoriwaneren nonkwe ;  
Sewennio, takiatokef,  
Iesos, takiatatokentist.

Ise iontekwasentakwa  
N'iakoriwanerahakskon,  
Wari senistenserio,  
Askaterennaiahase.

#### IX. KONTIRI8ANERAHAKSERAK8ENIIOS.

*Toni ori8ake ne kontiri8anerahakserak8e-  
niios?*

Tsiatak niiori8ake : kanaiesera, kanion

sera, kanak8aiesatsera, kanosaseras, iaka-  
ores, kanak8ensera, nok iakentorha.

*Nahoten ne kanaiesera ?*

Kanaiesera kon8aiats, ne sotsi iontatkon-  
nienstha nakaonha, nok iontatkenhronnis  
nakoren, iienhre : ii senha 8akiatanehra-  
k8at.

*Nahoten ne kanionsera ?*

Kanionsera kon8aiats, ne sotsi iakonikon-  
hranentakon ne kaientaon non8entsiake.

*Nahoten ne kanak8aiesatsera ?*

Kanak8aiesatsera kon8aiats, ne iontsteris-  
tha ioteri8atehat sonha.

*Nahoten ne kanosaseras ?*

Kanosaseras kon8aiats, ne iakotatenikon-  
hrotak8en nakoren 8aontsennonni.

*Nahoten ne iakaores ?*

Iakaores kon8aiats niateionterientarha  
tsi teiontskahons nok tsi iehnekirha.

*Nahoten ne kanak8ensera ?*

Kanak8ensera kon8aiats, ne sotsi ontoria-  
neron nakonikonhra iakonnhas aiontats8en.

*Nahoten ne iakentorha ?*

Iakentorha kon8aiats, ne iakoterihonkoh-  
tennitskon kari8iiostonke, nok oni ne ionni-  
konhrokta kaiotensera sonha non8entsiake.

*Oh nahoten ne iontateri8anerahaktennis ?*

Iontateri8anerahaktennis kon8aiats, nene  
tokat ie8ennake, tokat ie8eiennake, akoren  
8aontatenikonhrenha8ite kari8aksenke, ia-  
8et iaontatreke noneshon.

Tsiatak nikon, ne ienaie,  
Ienosas, ienakwaiesen,  
Iakoniion, iakaores,  
Iakonakwens, iakentorha.

Skeriwaswens, Sewenniio,  
Kariwaksenskwe okonha ;  
Takitenr, askienawase  
Aonkerihonti onwe.

# X. ASEN NIKONTIRI8AK8ENIIOS RA8ENNIIOKE.

*To niiori8ake ne kontiri8ak8eniios Ra8en-  
niioke ?*

Asen niiori8ake : iakori8iiostakon, iako-  
rharekon, nok ron8anon8esta Niio.

*Nahoten ne iakori8iiostakon ?*

Iakori8iiostakon kon8aiats, tsi sako8is ne Ra8enniiio naontaiaka8ehtakon tsinikon sakoriotasienni nonk8e, ne ionk8arionniennis Kentiohk8atokenti.

*Kanontkaien ne kontiri8ak8eniios ne Kentiohk8atokenti ionk8arionniennis ?*

Ethonon ieioteroron tsi ierihokta *Te8a-kehtakon Niio Roniha* ne ronaterennaientakse-rison Iesos ratik8ekonne, sathonreni non8entsiak8ekon.

*Serihokten iakori8iiostakon.*

Se8enniiio, te8akehtak8en ak8a ori8iiio tsinikon ionk8arionniennis ne Kentiok8atokenti, aseken ise tisa8enninekenhon niahtaonton asenno8ente.

*Nahoten ne iakorharekon ?*

Iakorharekon kon8aiats, tsi sako8is ne Ra8enniiio nak8ah aiakorhareke tsini sakorharatstenni nasakoiena8ase ne karonhiake aiontsennonni.

*Sokten ne iakorharekon.*

Se8enniiio, ak8ah 8akerhare nenskiena8ase tsinakiere ne karonhiake akatseñnon-

ni; ne enskitenrate tsini sonk8atsennonni-  
atenni Iesos Sonk8a8enniio, aseken ethoni  
sk8arhararatstenni.

*Nahoten ne ron8anon8esta Niio ?*

Ne ron8anon8esta Niio kon8aiats, tsi sa-  
ko8is ne Ra8enniio ne raonhaa ahon8anon-  
8ehake tsini hoianere nok ne raonha raori8a-  
ke aiontatenon8ehake ne sateiakonk8e tsi  
nakaonha niiontatenon8es.

*Sokten ne ron8anon8esta Niio.*

Se8enniio, sonhatsi8a konnon8es akeni-  
konhrak8ekon, aseken iahtiiaiehe8e tsini  
saianere; nok ise sari8ake khenon8es ak8e-  
kon nonk8e tsi nii nikatatenon8es.

Asen ok niioriwake  
Ne kontiriwakweniios,  
Watiesen n'aierihokten,  
Eso iontsennonniatakwa.

Ne iakoriwiiostakon,  
Nok oni iakorharekon,  
Nok ronwanonwestha Niio,  
Iontatenonwestha nonkwe.



## XI. ATERENNAIEN.

*Nahoten kak8enies asonk8entenre ne Ra8enniio?*

Tsi ionterennaiens.

*Nahoten ne ionterennaiens?*

Ionterennaiens kon8aiats, Ra8enniioke  
iontennikonhrenha8itha nahon8ennitentase

*nahonw  
senn*

*Rathontats ken ne Ra8enniiio tsi ionterennaiens?*

Rathontats ne iakonitenton, niiatekou  
sakorenre.

*Katke niioteri8ison naionterennaien?*

Arahonne tsi nahontketsko, tsi nakota8e  
nok tikate ne 8atiakotieronniionse othenon  
non8entsiake.

*Ohneniakoiata8en niahte ionterennaiens?*

Entsiakoteri8ahtonse tsi iakori8iiioston,  
nok en8atatenask8aienhase notkonseraksen  
tsi iakonnhe.

*Raonhaa ken ron8ennitentase ne Ra8enniiio  
tsi ionterennaiens?*

21

Iahten : ranon8es oni nakon8ennitentase  
n'On8ari, ahon8ennennitentase oni Eronhia-

kehronon nok n'Akoiatatoken-tison, naionki-  
8ennakarata tsi te8aterennaiens.

*Kanikaien ne kontiatak8eniios ionterennaientak8a?*

Ne 1. *Tak8aienha* ne Iesos roterennaientakserison; 2. *On8ari tekonnoronk8anion*, ne raoti8enna ne Raronhiakehronon nok n'A-risa8et oiatatokenti.

*Onka ioson noia sonha ionterennaientak8a?*

Nene Kentiohk8atokenti nok n'Akoiatatoken-tison.

Tiotkon tewaterennaian,  
Tiotkon ionkwanitentonhak,  
Niatekon tentewatentsa,  
Ensonkwentenranion Niio.

Ionwesen aionterennaian,  
lawet Niio taietaren;  
Iakotaskat n'ieweiente,  
Sakotsennonniatennis.

## XII. ORI8ATOKENTIKO8A.

*Toni karihoten n' Ori8atokentiko8a ?*

Ori8atokentiko8a kon8aiats ne nak8ah raonha Iesos rori8ison naiakoiatatokentiste nonk8e.

*Nahoten kanoronstakon n' Ori8atokentiko8a ?*

Ne kanoronstakon n' Ori8ato8entiko8a, tsi etho roien Iesos tsinikon sonk8atsennonnia-tenni sasonk8aronhiakense sasonk8enheia-se oni.

*Toni ori8ake n' Ori8atokentiko8a ?*

Tsiatak niiori8ake : Iontatenek8ahestha, Iontatkentsiokhas, Okaristia, Se8atateronk8enni, Iontatiatokhas teiakokonhentons, Iontaterihontak8a naiehasen, nok Te8atera-nekenseratokenti.

*Toni karihoten Iontatenek8ahestha ?*

Iontatenek8ahestha kon8aiats, Ori8atokentiko8a ne skarake8atha kari8anerahak-serakaion, kari8anerahakserase oni aiako-ri8aientak ; ionk8anisera8is ne Ra8enniiio; nok ionk8anistensera8is Iesos raotiohk8atokenti.

*Toni karihoten Iontatkentsiokhas?*

Iontatkentsiokhas kon8aiats, Ori8atoken-tiko8a ne ionk8aiata8is Niio Rotkon Ro-iatatoken-ti, sonk8aianerenstha tsi sonk8a-tiennis, sonk8anikonhrahnrats oni ne ka-ri8iioston aete8enheiate.

*Toni karihoten Okaristia?*

Okaristia kon8aiats, Ori8atoken-tiko8a ne roiatasetak8enhaties raonha Iesos Sonk8a-8enniio, ak8a tsini haiatoten karonhiake, iken ne raieronke, raonek8ensa, raotoun-hetston ak8ekon oni ne raoniiosera, etho ionatasetak8enhatie tsi kaieronni kanata-rok kenha, otsitsia kenha oni.

*Toni karihoten Ohaseratoken-ti?*

Ohaseratoken-ti kon8aiats, tsi rahasens rori8aiennis ne Ra8enniio Iesos raieronke nok raonek8ensa.

*Toni karihoten Se8atateronk8enni?*

Se8atateronk8enni kon8aiats, Ori8atoken-tiko8a ne skarake8atha tsini iakori8aneren tsinahe tiakotenek8aheston.

*Toni karihoten Iontatokatokhas teiakokon-hentons?*

Iontatiatokhas teiakokonhentons kon8aiats, Ori8atokentiko8a ne tsiotsientha tsi teiokonhentons onk8atonnhetston; arens oni tsiotsientha nieronke naonsaionton tsi iakonon8aktani.

*Toni karihoten Iontaterihontak8a ne ratihasens?*

Iontaterihontak8a ne ratihasens kon8aiats Ori8atokentiko8a ne Iesos ron8ari8a8ase ori8atokentisonha, nok rotiiena8ase oni ahotiri8aieritonhatie tsini honaterihonte non8entsiake.

*Toni karihoten Te8ateranekenseratokenti?*

Te8ateranekenseratokenti kon8aiats, Ori8atokentiko8a, ne iatekakonte teiakorahnekens, ia8et tsionk8etat akenhake ne teionk8etake, nok iakoiena8ase oni kari8iiostonke aiontatehiaron ontatienha enkenhake. -

Oriwatokenti kowa  
Tsiatak nihoriwisannhon  
Ne Iesos Sonkwawenniio,  
Thetsitewanonweratont.

Ne sonkwaianerenstakwa,  
 Sonkwaiatatokentistha,  
 Sonkwanikonhriiostakwa,  
 Sonkwanikonhnaniratha.

---

### XIII. IONKIIATENIENTENSE.

*To naiciere ne karonhiake aiontsennonni?*

Ahon8a8ennaieritseke ne Ra8enniiio, a-  
 kon8a8ennaieritseke oni ne Kentiohk8ato-  
 kenti.

*Toni ha8ennake ne Niio Ra8enniiio tsi  
 tionnhe?*

Oieri : « Saiatat ok Niio hetse8enniiostak. »

*Nahoten kon8aiats Kentiohk8atokenti?*

Kentiohk8atokenti kon8aiats ne raon-  
 ha Iesos rotiohk8ison, akotiohk8ak8ekon  
 iakori8iioston teieiasontha, sakotsteristha  
 Ari8a8akonko8a ne ron8ako8anen, Ratiri-  
 8a8akonson ron8aiena8asehaties.

*Iah ken taonton karonhiake aiontsennonni  
 niahte ieiatare ne Iesos rotiohk8ison?*

Iah taonton, aseken nene raonhaa rotioh-

k8ison, ratak8enniahienni ne raoianeren  
sera.

*Toni ka8ennake ne Kentiohk8atokenti?*

Tsiatak: « Tsiatarak Ohaseratokentonke. »

Oieri ni hawennake  
Ne Rawenniio tsi tionnhe,  
Nok tsiatak nikawennake  
Nene Kentiohkwatokenti.

Sateseriwaieritsek ;  
Tosa satennikonhrikt ;  
Karonhiake katke sonha  
Iotsennonniat iensatkatho.

#### XIV. IOIANERENSTAK8A.

*Nahoten ne Ioianerenstak8a kon8aiats?*

Ne Ioianerenstak8a kon8aiats, tsi sako-  
tenre ne Ra8enniio, sako8is naiakoianereke  
non8entsiake, naiontsennonni nohnaken  
karonhiake.

*Nahoten sonk8entenratha ne Ra8enniio?*

Ak8ekon ne sonk8entenratha tsi sonk8a-  
ronhiakense nok sonk8enheiase Iesos.

*Oh niit tsi sonk8entenre ne ioianerensta-  
k8a ?*

Arens sonk8anikonhratas tsi te8ateren-  
naiens; nok ne senha kontiha8anions nio-  
ianerenstak8aokon, n'Ori8atokentiko8a kon-  
8aiats.

*Iah katiken taonton nok akaonha aienrhe-  
ke aontakeri8aierite ?*

Iah non8enton tiiaonton, niahtasakoiena-  
8asere ne Ra8enniio.

*Oh neniakoiata8en ne ionteraiatak8a tsi  
tesakos8atetennis ne Ra8enniio ?*

Asatakon eniakonnheke, nok kari8anera-  
hakserakon eniontonnhokten.

Arens sonkwanikonhratas,  
Sonkwanonks ne Rawenniio ;  
Tosa tewateraiatak,  
Ok sa hetsitewatontats.

Iah nonwenton tiiaonton  
N'aetewateweienton  
N'iahtasonkwawire Niio  
Ne raoianerenstakwa.



## XV. SE8ATATERONK8ENNI.

*Toni karihoten Se8atateronk8enni ?*

Se8atateronk8enni kon8aiats, Ori8atoken tiko8a ne skarake8atha tsini iakori8aneren tsinahe tiakoteneke8aheston.

*Ak8ekon ken skarake8atha nok oni ne iori8atsanitenions ?*

Ak8ekon skarake8atha, ka8enniio aieri8aierite ori8ak8ekon tsini hotenienten ne Ra8enniio.

*To kati niiori8ake aieri8aierite naonsonterake8e ?*

8isk niiori8ake : 1° aieri8isake tsinikon iakori8aien niotaksen ; 2° aonsaiontonnha-kanonni ; 3° aionterientasa ; 4° ahon8arihoktase Iesos rori8a8ase tsinikon iakehiare ; 5° taonsaieri8aserako.

## § 1. AIERI8ISAKE.

*To naieièere naieri8isake ?*

Aiontiatarako tsi ionk8ehne, ahon8ennitentase ne Ra8enniio, aiairon : « Se8enniio » tsi konnhe, ise saterientare tsini 8akeri8a-

« neren, aseken iah othenon te sanekhe-  
 « rens; takitenr kati aonsakehiarane tsini-  
 « kon konnikonhraksaton, aontiesenhake  
 « taonsakeri8aserako tsi sekons skennen ikes  
 « non8entsiake, tosa askre8ate non8entsia-  
 « kon tsi nenkatonnhokten. »

*To non8a naieiere?*

Onen tenhnon non8a aonsaiontatehiah,  
 rak8en tsini ionnontonnionk8a, tsini ionta-  
 tiatha nok tsini iontieranions kanonskon,  
 atste, ononsatokentike nok oni ka ok non8e  
 itiens.

## § 2. AONSAIONTONNHAKANONNI.

*Oh naieiere nonen saeri8atsenri tsi iako-  
 ri8aneren?*

Aonsaiontatre8ate nakonikonkrakon,  
 ak8a aonsaieri8as8enseke tsini iakori8ane-  
 ren.

*Toni karihoten aonsaiontatre8ate?*

Aonsaiontatre8ate kon8aiats, ak8a aon-  
 saieri8as8enseke tsi iakori8aneren, nok  
 aionterientasahaseke oni iah taonsaieri8a-  
 nerake nohnaken.

*Aonton ken nakaonhatsi8a aonsaieri8as8en-seke tsi iakori8aneren?*

Iah taonton, tsi ok ahon8aneken ne Ra8enniiio asakonikonhrataa naieri8as8en tsi iakori8aneren; nok oni taieiatoarete nakaonha tsini iori8ake ieri8as8atha ne kari8aneren.

*Eso ken iori8ake ieri8as8atha ne kari8aneren?*

Eso iori8ake: 1° Taieiatoarete, aonhaa tsini iori8atsanit ne kari8aneren, aseken ioiataksatha nonk8atonnnhetston, tsiniiot notkenseri kentaksatha ne te8aieronke kenha tsi 8ete8enheie;

2° Taieiatoarete tsina teiotenonhianiton ensakohre8ate ne Ra8enniiio non8entsiakon, enskat ok oni aiakori8anerenhake;

3° Taieiatoarete tsini iakokaronnis ne kari8aneren, iken tsaeri8anerake tiakotkaronniaton ioianerenstak8a nakotonnnhetston, iah oni tetsion8esen nakonikonhrakon, ak 8ekon oni iahte tsiakonaktaien ne karonhiake;

4° Taieiatoarete aonhaa ne kari8aneren

roiatanentaktakon Iesos Sonk8a8enniiio te-  
kaiasonteke, ne ra8enheiaton sasonk8en-  
heiasse ;

5° Taieiatorete tsini iori8atsanit ron8a-  
nikonhraksatha ne Ra8enniiio, raonhatsi8a  
tsini haiatanoron, tsini honikonhriio, tsini  
hotanitenraskon, ak8a iah othenon tetio-  
tokte tsini haiatoten.

*Nahoten ietokatha tokenske tsieri8as8ens  
tsi iakori8aneren?*

Ne ietokatha, 1° tsini iosatste iakonikon-  
hranon8aks, tikenha tsi iakoterientare aia-  
konikonhranon8akseke nothenon aiakot-  
karonniaton nak8ah ienoronk8a ; 2° Ne oni  
ietokatha tsi 8ahon8ari8aienhase sesako-  
ronk8enni tsineniakoiata8en, tsinensakoie-  
rase ; 3° Ne oni ietokatha tsini iontstenia-  
rons taonsaieri8aserako.

### § 3. AIONTERIENTASA.

*Iah ken taonsonterake8e tsi iakori8aneren  
iahte iakoterientason?*

Iah enskatha taonsonterake8e ; okeken  
senha ron8anikonhraksatha ne Ra8enniiio,

ne ron8a8ennoretak8a tsi iontons, onen se-  
8akatonnhakanonni, iahse tokenske teken.

*Nahoten ietokatha tsi iah tokenske teiako-  
terientason?*

Ne ietokatha, onen tsini tia8enhon ionts-  
teristha kari8aksensk8eokon ne iontsterista-  
k8e arekho tsi tsiontateronk8enni.

*Senha katiken iori8atsanit naonsaiontste-  
riste kari8aksen tsiakorihontionne?*

Senha ne iori8atsanit, aseken ron8aken-  
renseronnis ne Ra8enniiio sakotenronne.

*Onka senha ori8iio tsi tsiakotatre8aton?*

Ne kon8aiats senha ori8iio tsi tsiakota-  
tre8aton, nene niatehaiati ne Ra8enniiio ra-  
ori8a tsi tsiontatre8atha, tsini iahtiiaihe8e  
tsini hoianere.

*Nahoten iontsennonniatak8a netho niiot  
tsi tsiakotatre8aton?*

Ne iontsennonniatak8a ok sa ok sontera-  
ke8e n'akori8anerahaksera, ka8enniiio ki  
ionskaneks naonsaiontateronk8ase.

*Onka ne tikenha ori8iio tsi tsiakotatre8a-  
ton?*

Ne kon8aiats tikenha ori8iio tsi tsiakotatre8aton, nene neok tsiontatre8atak8a tsini 8ahetken ne kari8aneren, tsi oni niietsanis noneshon, nok tsini iennhatens ne karonhiake.

*Nahoten iontsennonniatak8a nehniiot tsi tsiakotatre8aton?*

Ne nennee iontsennonniatak8a, ense8aterake8e sane nakori8anerahaksera, tsi ok tenhnon ensakoterennaienhase ne skarake8atha.

*Nahoten iontsennonniatak8a, ne ok aori8a tsiontatre8atha nothenon sonha non8entsiake?*

Iah othenon te iontsennonniatak8a, aseken iahtehaiatare ne Ra8enniiio tsi tsiakotatre8aton.

*Ak8ekon ken iontsennonniatak8a ne ierihoktha Tsiontonnhakanonniatha?*

Iah ak8ekon te iontsennonniatak8a, iken notiake ne ok ne ionsorianeronk8as, iahse tokenske tetiak a8ehtak8en naka8eriane.

*Se8aterake8as ken tsi iakori8aneren ne tsiori8at iate tsieri8as8ens?*

Iah othenon te se8aterake8alhtha ; tsi ok ak8ekon satetsies8ens ne iori8atsanit nahoten, ne ok ense8aterake8e ak8ekon.

*To kati niiakoiata8ens niakori8aneraha-<sup>35</sup> kskon, tiotkon sane tsiontateronk8ennis nok iahtetsiontatre8atha ?*

Iah othenon te tiotokte tsini iakori8anerenhenhaties, senha iontatenikonhranirats kari8aksenke, iahtetsietsanis naeri8anerake, nok oni se8atierens oktontaia8entsi 8ahiheie, iatetsiakotatre8aton.

#### § 4. AHON8ARIHOKTASE.

*Kani kaien ne kaierihaton aieri8aierite ?*

Ahon8arihoktase Iesos rori8a8ase tsinikon iakori8aien ne iotaksen.

*Oh naa8en, iori8atsanit iakori8aseton, tsio-terake8en ken notiake tsi iakori8aneren ?*

Iah enskatha tetsioterake8en ; ne tenhnon senha iori8atsanit iakori8anerahakton, asenken ia8ori8aiesaton se8atateronk8enni.

*Tonaieiere nonen sesakoronk8ennire ?*

Ok etho taiontontsoten tsi renteron ; taieiasonten, aiairon : « Rakeni, tak8ateren-  
« naienhas, aseken 8akeri8anerahakskon ; »  
nok aierihokten *Tsiontateronk8ennitha*.

*Tonaieiere nonen iakorihokte tsi iakori8aneren ?*

Aiairon : *Ethonikon kehiare, Rakeni, ak8ekon sakatatrestate nok oni tsinikon niahte kehiare ; askitenre, askenatonhase taonsakeri8aserako.*

*Tonaieiere nonen 8asakoterennaienhase ne skarake8atha ?*

Ethone ak8a aionk8isron nakonikonhronkon aonsaiontatre8ate ; aienrheke, iah non8enton taonsakeri8anerake nohnaken ; nok skennenha aierihokten *Tsiontonnhakanonniatha*.

## § 5. TAONSAIERI8ASERAKO.

*Nahoten ne teskari8aserak8en kon8aiats ?*

Teskari8aserak8en kon8aiats, tsi shon8anikonhraseronnis ne Ra8enniio ron8asen-



tennihne, nok onī tsiontatenikonhraseron-  
nis nonk8e, iontatenikonhraksatonne.

*Nahoten shon8anikonhraseronniatha ne Ra-  
8enniio ?*

Ne shon8anikonhraseronniatha, atatiesa-  
ton, atatitenron, entakon, karonhiakenhon ;  
ne oni shon8anikonhraseronniatha naieri-  
8aierite tsi nahoten ensakonatonhase se8ata  
teronk8ennike Iesos rori8a8ase.

*Nahoten tsiontatenikonhraseronniatha non-  
tatekenson ?*

Ne tsiontatenikonhraseronniatha naon  
saiontatieritse tsini iontatkaronni.

O Iesos ! akwa kaskaneks  
N'aonsakatatrewate,  
Aonsaionkeronkwase,  
Takiteur, tosa katiesat.  
Sewenniio, askitenre,  
Tetswatet n'akenikonhra,  
Tasrite n'akeriasa,  
Tasnerensi n'akennasa.

---

## XVI. OKARISTIA.

*Toni karihoten Okaristia?*

Okaristia kon8aiats, Ori8atokentiko8a, ne roiatasetak8enhaties raonha Iesos Sonk8a 8enniio, ak8a tsini haiatoten karonhiake, iken ne raieronke, raonek8ensa, raotonnhetston ak8ekon oni ne raoniosera, etho ionatasetak8enhatie tsi kaieronni kanatarok kenha, otsitsia kenha oni.

*Katke nihori8ison Iesos Okaristia?*

Entakta tsihon8ariosere.

*Nahoten ra8eron tsahari8isa n' Okaristia?*

Ra8eron, tiotkon akari8ateke kari8iios-tonke tsini hoieren sahon8ario.

*Oh nihoieren sahon8ario?*

Ro8enniioston Niio Roniha ne raieronke, raonek8ensa nok raoronhiakensera ne taon-sahari8aserak8ate tsini iakorihaneren nonk8e.

*Sekon ken non8a niho8enniiostha ne Roniha tsini hoieren nethone?*

Sekon niho8enniiostha tsi iakohasen niate 8enniserake.

*Teskiatieren katiken tsi iakohasen tsini hoieren sahon8ario?*

Ak8a ok ne saori8at 8ataties; sekon ron8a niate kahaserake iakohasenton sesonk8askontak8enhaties.

*Oh nihatierha Iesos Okaristiakon?*

Onen tsini tia8enhon shonikonhraseron-nihaties ne Roniha tiotkon ron8anikonhراكساتانيون nonk8e; sakotenranions oni on. ka kiok 8ahon8aiatisake nok oni sakotiennis ne ron8anaktotani nakonikonhrakon.

*Sonk8annhaon'ken ne Ra8ennio nacte8aiatarazeke Okaristia?*

Ak8a sonk8annhaon, ensakohre8ate oni niahte iontsteristha asakotienhase, iken ron8anaktannhese aka8eriane, katkeha oni ne raonha ensesakonaktannhese karonhiake.

*Nahoten iontsennonniatak8a naeiatarane?*

Ne iontsennonniatak8a tsi raonha Iesos sakotiennis on8e ak8a tsini haiatoten karonhiake; ne oni iontsennonniatak8a tsi ak8a 8ahaianerenste nakotonnhetston.

*Ak8ekon ken iontsennonniatak8a naeiatarane?*

Iah ak8ekon te iontsennonniatak8a ; otia-  
ke okeken senha iakotatkaronniionhatie tsi  
sakotiennis.

*Oh nakentiohkoten niah othenon te iontsen-  
nonniatak8a tsi sakotiennis?*

Nene kentiohk8aksensk8a, iakori8aseton  
se8atateronk8ennike ; nok otiake ori8ak8e-  
kon sane ron8arihoktani ne sesakoronk8en-  
ni, nok iah te tiakonikonhrasahaton niate-  
kakonte aonsaiakorihonti ; nok otiake tsi-  
niiot ne iontenno8entha nahenterontake  
Okaristiiakon.

*Aka8entakon ken niienhre, akiatarane?*

Ak8a aka8entakon ne skennen tiiakon-  
nhe. Asonthen naontaiontasa8en niah othe-  
non taonsaieke, iah oni othenon taonsaieh-  
nekihra.

*Teiontskahons ken n'Okaristia?*

Iahta teiontskahons ; ok skennen tahouh-  
nek8ane.

*To naieiere nonen sakotiennire?*

Ak8a aionte8eienton tsini kahaseres ieia-  
tarasere ; aierihokten ieiatarastha.

*Nahoten ieherha tsi iehasentak8a nonen  
iehasenne ?*

Kanatarok ieherha otsitsia oni.

*Tiotkon onte ken kanatarok iken otsitsia  
oni ?*

Iahten. Tsinaha8ennahnoton ne rohasen  
tsini hoieren Iesos sahasa n'Okaristia, etho-  
ne natese8attenies ne kanatarok otsitsia  
oni, Iesos raieronke nok raonek8ensa 8atons.

*Tsi tehaiaks n'Okaristia, iah ken tatehoia-  
tiaks Iesos ?*

Iahten. Ne ok tehaiaks tsi kanataraie-  
ronni.

*Kanonk8ati raiatare Iesos nonen teiakokha-  
sion n'Okaristia ?*

Oktatetsiaronkon tehaiatare.

*Tokat kenni8aa sakonnhonton, raiatak8ekon  
ken sakotienni ?*

Raiatak8ekon sakotienni, aseken raiata  
nanon Okaristiiakon.

*Tokat tekaiasere ensakonnhontho, tekeni ken tensakotienhase?*

Iahten. Enskat ok iori8entaon ensakotienhase.

*Thahtenties ken Iesos karonhiake nonen Sahatien n'Okaristiiakon?*

Iah heren tehretha; tenteron karonhiake, renteron oni Okaristiiakon, aseken iah othenon tehonoronse.

*Tekiattihen onte ken n'Okaristia ne tekaia-sonte?*

Ak8a eso tsi tekiattihen; iken ne tekaia-sonte, ne ok 8atenientenstakon tsi ron8aia-tanentakton; nok n'Okaristiiakon tokenske on8e renteron.

*Toni karihoten naontiesate tsi sakotiennis?*

Ne aonhatsi8a iori8atsanit tsinikon ieri-8anerahaktha non8entsiake.

*To naieiere ne iakotahitakhe ahon8aiente-rhane ne Ra8enniiio?*

Niate 8enniserake ahon8anekenniheke nasakotenre, karo'naiaiheie, tosa non8enton aiontiesate tsi ensakotienhase.

*To naiciere naienrheke, tosa akatiesale?*

Aonsaiakorihonti tsini iakori8annhikon-  
haties ; akon8atek8enniheke ne kari8aksen,  
nok akon8ehiahrontie tsi iakori8iioston.

*Toni ioterihonte n'Okaristia?*

Tekeni teioterihonte, Ra8enniioke, tenh-  
non onk8ehne, aseken aonha n'Okaristia  
tetsiakorahnekens nonk8e nok ne Ra8en-  
niiio, tehonatekhasionne.

*Oh niiot tsi ioterihonte ne Ra8enniioke  
nonk8ati?*

Ne tsi iatetsiotata8i naonnise katsenen  
sonha ron8aiennisk8e ne Ra8ennio, nok  
non8a ne ok shon8aiennis Iesos raieronke  
nok raonek8ensa ; nene Iehasens kon8aiats.

*Oh niiot tsi ioterihonte onk8ehne nonk8ati?*

Ne nennee tsi sakotiennis naeiatarane,  
ratsientani nakotonnhetston, aiakonikon-  
katsteke tosa aiakosenni notkon, tsi iieks  
ne raieronke nok raonek8ensa ; ne Ori8ato-  
kentiko8a kon8aiats.

*Iakonaktote ken noktiiakonk8esonha ahon-  
8aienhase ne Ra8ennii Iesos raieronke nok  
raonek8ensa?*

Ok eken ioteri8ison niakori8iioston okon  
tsi ionterennaiens taiakoiena8akon ne roha-  
sen, nahon8aienhase Iesos raieronke nok  
raonek8ensa, aienrheke: akanoronke tsi  
katerennaiens.

Okaristiiatokenti,  
Konwenniiostha tsi konnhe,  
Konnoronkwa, konniahesen,  
Konsennaiens nok konnentons.

Sase iahte konkens, Iesos,  
Tsi nonwa nisatseton,  
Senha ok eken kaskaneks  
Ok sa n'askataweiaten.

---

#### XVII. IONTATKENTSIOKHASTHA.

*Toni karihoten iontatkentsiokhas?*

Iontatkentsiokhas kon8aiats Ori8atoken-  
tiko8a tsi sakotiennis ne Rotkon Roiatato-



kenti, nasakonikonhrahnnirate, ne tosa aia-  
kosenni notkonseraksen non8entsiake.

*Onka ne Rotkon Roiatatokenti?*

Ne nashen ratontha nashen natehaiasere  
ne Niio.

*Ra8enniio ken ne Rotkon Roiatatokenti?*

Ak8a ne sahaiatat Ra8enniio ne Roniha  
nok Roienha nok Rotkon Roiatatokenti.

*Oh nikarihoten tsi sakotiennis ne Rotkon  
Roiatatokenti?*

Sako8is onikonhratokenti, etho ia8et  
naiakonikonhrotenhake tsini honikonhro-  
tenne Iesos on8entsiake siresk8e.

*Ak8ekon ken sako8is netho naiakonikonhro-  
tenhake?*

Iahten : tsi ok niakon nak8a iakotenni-  
konhraseronni.

*Ak8a katiken iotsennonniat naontatkentsio-  
kha8e?*

Ak8a, aseken ne skak8atak8as naiako-  
tiesaton tsi iakotenek8aheston.

*Senha katiken ieiatanorons kari8iistonke  
nonen iakotkentsiokha?*

Senha ; aseken tsi saka8enhienarhon Ari8a8akon 8enhienatokenti., iiore on8e neiatake tsi sakoiatarak8en ne Ra8enniiio, tsiniiot nakoskenrakehte, asteson aiakote-riiohake notkonseraksen.

*Kari8aksen katiken niahte iontsteristha nasakokentsiokha8e ?*

Ak8a kari8aksen, aseken tsiniiot niahtiekaieri tsi iakori8iioston narekho teiakotkentsiokha ; raonha Ari8a8akon ensakoieritse tsi iakori8iioston nensakokentsiokha8e.

*Tonaieiere naieri8aierite tsi iakotkentsiokha ?*

Ak8a akonikonhrak8ekon aiakoterientasonhohake, aienrheke : tsinen8e enkonheke enkiatakennhaseke ne kari8iioston ke8ennake ke8eiennake oni.



# IONTERENNAIENTAKSA.

---

## *Teieiasontha.*

† Rasennakon Roniha, nok Roienha, nok Rotkon Roiatatokenti. Ethonaia8en.

## *Iesos roterennaientakserison.*

Tak8aienha ne karonhiake tesiteron, aie-sasennaien, aiesa8enniiostake, aiesa8ennarak8ake non8entsiake tsiniiot ne karonhiake tiesa8ennarak8a.

Tak8anont ne ken8ente iakionnhekon niate8enniserake; sasanikonrhen nionk8ari8aneren, tsiniiot nii tsionk8anikonrhens othenon ionkinikonhraksaton nonk8e; tosa aionk8asenni ne kari8aneren, ak8ekon erensa8it niotaksense. Ethonaia8en.

## *Raronhiakeronon rao8enna.*

On8ari, tekonnoronk8anions, ise tsiati ioianerenstak8a, Ra8enniio senik8ekon,

sonhaa nakounnhetien tsini hiakonniens  
ne Niio, Iesos oni hetsienha raonhaa tsini  
hon8asennaiens.

On8ari saiatatokenti, Niio hetsienha, ta-  
k8aterennaienas ionk8ari8anerahakskon  
non8a nok oni tsi nentiak8enheionsere.  
Ethonaia8en.

*RatikSekonne raoti8enna.*

Te8akehtak8en Niio Roniha iahothennon  
tehonoronse, rote8eiennonni karonhia on-  
8entsia oni.

Te8akehtak8en Iesos Kristos raonhatsi8a  
Niio Roienha Sonk8a8enniiio onk8e roton-  
hon, ne roiatison Rotkon Roiatatokenti;  
On8ari rote8eton, iate kanak8aienteri. Etho-  
ne si hoterihontak8e Konsk8irat ron8a-  
iatsk8e, roronhiakenhon ne Iesos, ron8aia-  
tanentakton tekaientannhareke, ra8enheion,  
ron8aiataten, on8entsiakon iehokton, nok  
asen8atontha ni8enniserake shotonnheton.  
Karonhiake iesha8enonton, etho kati non8a  
ieshenteron tsi ra8eientehtakon ne Roniha

iah othenon tehonoronse, tentesakoiatore-  
tane neniakonnheke nok oni niako8entaon.

Te8akehtakon oni ne Rotkon Roiatato-  
kenti, Kentiohk8aien otiohk8atokenti, on-  
8entsiak8ekon saktiohk8at, iken teiontat-  
seronniennis akoiatatokentison, se8atera-  
ke8as iakori8aneren, entsiontonnhete nia-  
ko8entaon, iatekakonte ientsiakonnheke.  
Ethonaia8en.

*Tsiontateronk8ennitha.*

Niio ise Se8enniio tsi iakionnhe, iah  
othenon tesanoronse satontek; ise oni On-  
8ari saiatatokenti, iahte senak8aienteri;  
8ishe satkon seronhiakehronon, Sa8atis  
saiatatokenti; Tier, Kor oni Iesos hetsise-  
ni8ennenha8ak8e, se8ak8ekon ne Se8aiata-  
tokenti karonhiake tise8anakere, ise oni  
hetseri8a8ase ne Sonk8a8enniio Iesos, se-  
8ak8ekon tsiatontek, onen 8akeri8aiente-  
rene tsini 8akeri8aneren kennontonniont-  
serake, ke8ennake, ke8eiennake oni; ii  
akeri8a, ii akeri8a, ii akeri8ako8a. Onen

kati, On8ari saiatatokenti, iate senak8aienteri; 8ishe satkon seronhiakehronon, Sa8atis saiatatokenti, Tier, Kor oni Iesos het siseni8ennenha8ak8e, se8ak8ekon Se8aiatatokenti karonhiake tise8anakere, ise oni hetseri8a8ase ne Sonk8a8enniio Iesos, e8ak8ekon k8ennitentase nask8aterennaienhase, aonsonterake8e tsi 8akeri8aneren. Ethonaia8en.

*Oieri niha8ennake ne Niio.*

1. Saiatat ok Niio hetse8enniiostak, raonhatsi8a Ra8enniio tsi sonnhe.
2. Tosa hetsennaiesat Ra8enniio raosenna.
3. Satsterist ia8entatokenton Niio ra8ennisera.
4. Sekonnienstak iesaienha, aionnise asonheke.
5. Tosa sheiaset nonk8e.
6. Tosa satenak8aiesat.
7. Tosa senensko.
8. Tosa seienna8enten.

9. Tosa saskaneksek kanak8aiesatsera.

10. Tosa saskaneksek akoren ako8enk, aserheke akenensko.

*Tsiatak nika8ennake ne Kentiohk8atokenti.*

1. Tsiatarak ohaseratokentonke Niio ra-  
Senniserake, nok oni tsi ia8entatokentase-  
rons.

2. Satsterist ia8entatokenton okonha.

3. Aonsaiesaronk8ase arahonne enskat  
tsiniioseres.

4. Ahiatienhase Iesos arahonne tsinonsa-  
hatonnhete.

5. Satsterist iaka8entontietha, kaieri ni-  
iok8enraron kon8aiats, entakta ne 8entano-  
ronson, nok oni ne kaieri ni8asontashen ka-  
roha tsi nonsahatonnhete.

6. Tosa se8arak ron8aiatanentaktonne  
Senniserate.

7. Aontaseri8aierite othenon tentsenon8e-  
ronniontake ne Ra8enniiio nensatonnisa-  
hase.

*Iakori8iio8takon.*

Se8enniio, te8akehtakon ak8a ori8iio tsi-  
 nikon ionk8arionniennis ne Kentiohk8ato-  
 kenti, aseken ise tisa8enninekenhon niah  
 taonton asenno8ente.

*Iakorharekon.*

Se8enniio, ak8ah 8akerhare nenskiena8a-  
 se tsinakiere ne karonhiake akatsennonni,  
 ne enskitenrate tsini sonk8atsennonniatenni  
 ne Iesos, aseken ethonisk8arharatstenni.

*Ron8anon8esta Niio.*

Se8enniio, sonhatsi8a konnon8es akeni-  
 konhrak8ekon, aseken iahtiaiehe8e tsini  
 saianere ; nok ise sari8ake khenon8es ak8e-  
 kon nonk8e tsi nii nikatatenon8es.

*Tsiontonnhakanonniatha.*

Se8enniio, onen 8akeri8aienterene tsini  
 8akeri8aneren ; ak8a tokenske iatekattokha;



8akite on8e tsini 8akieren, niia8eta konna-  
 k8atenni, kon8ennontion. Onen kati non8a  
 sakatare8ate, skeri8as8ens tsini 8akeri8a-  
 neren, iken ise seri8as8ens ne ieri8aneraks.  
 Ne ki skatare8atak8a tsini konnon8es, son-  
 haa tsini satanitenraskon, sonhaa aiesanon-  
 8ehake naionttokhake nonk8e. Onen kati  
 non8a se8akatonnhakanonni, ak8a te8aken-  
 nikonhrasahaton, ikehre iah non8enton ta-  
 onsakiere tsinen8e enkonnehke. Takitenr  
 Iesos, sasanikonrhen tsini 8akieren; 8ari  
 saiatatokenti, takitenr, takaterennaienha,  
 ahakitenre Iesos hetsienha, karonhiake aha-  
 kiatinionte tsinenkatonnhokten. Etho naia-  
 8en.

*Teiontskahonne.*

Se8enniio, 8akon8enniioste ne tekatska-  
 honne; rasennakon Roniha, nok Roienha  
 nok Rotkon Roiatatokenti. Etho naia8en.

*Tsi naek8entane.*

Nia8en, Se8enniio, 8asetsienten ne kie-  
 ronke, asetsienten oni nakatonnnhetston;

rasennakon Roniha, nok Roienha nok Rot-  
kon Roiatatokenti. Etho naia8en.

---

#### IEIATARASTHA IEIATARASERE.

1. *Aontaiaka8ehtakon tsi renteron Okaristiakon.* Iezos Se8enniiio tsi konnhe, te8a-  
kehtakon kento sataseton Okaristiakon, tsi  
kaieronni kanatarok kenha otsitsia kenha  
oni; ia8et sane kanatarok tsi tekkanere;  
nok iah kanatarok tesken; aseken sakon-  
Saterennaienhase, tsioterision ne kanatarok,  
kenha, ise ki sa8aronk iotonhon; etho oni-  
i8at sanek8ensak8ekon ne tione8aon saes-  
ariiio; ne sakanek8ensat tetsisari8aserak8a-  
ton nionk8ari8aneren. Etho oni kaiatat sa-  
tonnhetston, aonhaa tsini ioiatatokenti-  
ak8a tsiata k8ekon etho sataseton tsi onk8e-  
Niio oni nisiatoten. Se8enniiio tsi konnhe,  
iah ostonha tekatenno8entha tsi isen, tio-  
tkon enkiterontake Okaristiakon; okti ien-  
kiheie enkatontatseke; ok oni taiakostonts-

te naionkeriio, iah taonton aonsakatka8e;  
ne tenhnon senha enkatatenikonhrahnrira-  
seke, enkerheke, raonha enshakieritse  
Iesos karonhiake.

2. *Tahon8anon8eraton.* Iesos Se8enniiio tsi  
konnhe, sonhaa iesennakeraton karonhiake  
on8entsiake oni. Tekonnon8eronnions; ike-  
hre oni aia8a8ennak8ekonhake ne Ratiron-  
hiakehronon kento tiesennitiohk8aton, tiot-  
kon teiesanon8eraton. Entekhe8ennaserete  
kati, enkiron: Iesos sonhaa saiatatokenti,  
sonhaa satanitenraskon, sonhaa iah othe-  
non te sanoronse, sonhaa ak8a Se8enniiio tsi  
konnhe. Karonhiak8ekon, on8entsiak8ekon  
oni iesasennaiens; aia8en okti8ak8ekon  
nonk8e aiesanon8ene, aiesa8enniioste oni.

3. *Aiontatkenronniheke n'akaonha.* Iesos Se-  
8enniiio tsi konnhe, Ratironhiakehronon te-  
hotinonhianiks taiesakonsakanerake tsini  
iotsanit tsiatanoron. Oh kati nisanikonhro-  
tenhatie tsi takatiennire? Iah ken te skia-  
tas8enhon tsini 8akeri8anerahakskon, ken  
kenon8enseraien? Tenhi8ennak8e kati Tier

reiatatokenti, enkiron : tontasatonnek niha, Se8enniio, sotsi kserohen, on8a tsiok onte enkonhiesate ; katiken nii konk8e nakerheke ahakata8eiaten ne Ra8enniio tsi konnhe. Enskat ok kati aontasatati, ok sa ok enskaie8entane n'akatonnnhetston.

4. *Aonsahon8atatre8aten.* Iesos Se8enniio tsi konnhe, ak8a 8akenikonhranon8aks tsini konsentenni, ia8eto8anen kon8ennon-tion. Aia8en taonteranekare nakeri kenha ne iori8anon8ehon ne iotaksen, aontonkka-serahrihon tsi naonkenikonhranon8akseke, ok taiona8entonheke nokaseri kenha, ne asteson akatstarhak8aneseke tsini iotsanit konnikonhraksaton tsinahe tsi konnhe. Tokenske, Se8enniio, sakatatenikonhras8en tsini 8akeri8anerahakskon, ak8a 8akterientasha, iah non8enton etho taonsakie-re tsinen8e enkonnheke.

5. *Ahon8askanekseke.* Iesos Se8enniio tsi konnhe, iahte sanekherens tsini 8akiatane8arat, senha kati ok isehre akheiatienhase. Onen kati 8akon8ennarak8e, tenkonsteriha-

te oni, enkiron : Iesos, takitenr, takiatisakha, satatenaktaseronnien niare, nok ensatatie-  
 tiatente nakontsk8enakon ; onen 8akahet-  
 kentsi akatonnnhetston, toha onte kenhei-  
 onsere, iahteskasatste tsini kaiatakenhe-  
 ions, ne tsini iokare8aton ne kari8anerenn.  
 Aonsasetsiente tsini satanitenraskon, iah  
 oni othenon te sanoronse, ethonaia8en.

---

#### IEIATARASTHA NONEN IAKOIATARAON.

1. *Tahon8anon8eraton.* Iesos Se8enniiio  
 tsi konnhe, tekonnnon8eratons non8a satase-  
 ton nakontsk8enakon ; ionehrak8at, Se8en-  
 niiio, tsi nonkiata8en non8a, ise takiatison,  
 ise seskiatontak8en non8entsiakon, tak8en-  
 heiase tekaientannhareke, tsiatatonnnheton,  
 karonhiake non8a iesesiteron, katkeha oni  
 tenteskiatoretane, ise ak8a Se8enniiio tsi  
 konnhe, Niio, onk8e oni nisiatoton, takati-  
 enni non8a Okaristiakon, iahse konk8e te-  
 ken, tsini ione8arat kiataksen, 8akeri8ane-

rahakskon, aniot otsinon8a okenrake 8ate-  
 seres, okenrake te8akientakon, katkeha oni  
 okenra/enskaton. Se8ak8ekon kati se8a-  
 ronhiakehronon, ise oni se8aiatatokenti  
 okonha, tak8entenr, tak8aiena8as niha, ae  
 te8a8ennak8ekonhake, atsite8atonren ne  
 Ra8enniio, tsini hotanitenraskon, rakatien-  
 ni non8a Okaristiakon.

2. *Ahon8anon8ehake Iesos akonikonhrak8e-  
 kon.* Iesos Se8enniio tsi konnhe, sonhatsi-  
 8a tsini tsiatanoron, ak8a kati tetsiatiestha  
 non8a nakatonnhetston, isehre iahtekakon-  
 te taiakiateranekenseke. 8akenehrak8as,  
 Se8enniio, tsini skenon8es, iahteskiatas-  
 8ens tsini kiataksen. Katke non8enton  
 ethoni iontatenon8ehon? Aonkitechake na-  
 onkenoronseheke nakonnon8ehake tsini  
 kasatste n'akenikonhra. Onen kati tok-  
 enske konnon8es akenikonhrak8ekon: ne  
 ki konnon8estak8a tsini sanikonhriio, tsini  
 satanitenraskon; aia8en tiotkon akonnon-  
 8ehake tsinen8e enkonnnheke.

3. *Ahon8ancken nahoten teiakoton8entsioni.*

Iesos Se8enniiio tsi konnhe, sonhaa tsini satanitenraskon, tiotkon tak8ennontonnionse isehre aketenre n'iakionk8e. Teskanere non8a tsini iotent nakatonnhetston, ak8ekon tiioie8as ioianerenstak8a nahoten; senha isehre aionkeneken. Onen ki 8akon8enna-rak8e. Ken kaien ak8a 8akaskaneke, ikehre, ahakitenre, aonsahonikonhrhen tsini ia8eta konnikonhraksaton, ak8ektsihon aonsonterake8e tsini 8akeri8aneren. Nok are oia, Se8enniiio, konniahesen, ikehre ahakenikonhrahnrhate, asakoriste notkonse-raksen, kieronke nok oni nonk8e okon kaneka naontaionkenikonhrotakohe, tosa aionkesenni. Katakitenr niha, Se8enniiio, naonton tsini 8akenikonhroten, karo akiheie, tosa aonsakonnak8aten.

4. *Ahon8enniioste eiatak8akon.* Iesos Se8enniiio tsi konnhe, iah othenon te tiotokte tsini skitenraton tsi takatienni Okaristia-kon; ak8a sasahaton tsini saientatie, iah enskatha te satatienni, iken take8enniioston tsieronke, sanek8ensa, satonnhetston, sa8en-



niiosera ak8ekon ki tsini siatoten. Aonkiteha ke niahtakonnakeren ; onen kati 8akoniataen-  
hase akatonnnhetston, kenik8ekonhatie-  
ne kieronke ; kon8enniiosta oni ne kehia-  
rak8a, tekiatoretak8a, kaskanekta ; iah ens-  
katha takatatienhase, aseken othenon 8a-  
kientatie, ise takitenron ; ak8ekon kati sa-  
konhion, ak8a seriasakon ionsakionte. Ta-  
kitenr nisa, Iesos, serakef niotaksen, kane-  
ka nonnaioranentakonhake, aqntiesenhake  
tiotkon askiaton8esk8en tsinen8e enkon-  
nheke, nok askiatinionte karonhiake, tsi-  
nenkatonnhokten, ethonaia8en.

Ahon8asennaaien Roniha, nok Roienha,  
nok Rotkon Roiatatokenti ;

Tsiniiotonne tsinahe, nok non8a, nok oni  
tsinen8e iatekakonte iahtakari8entane.  
Ethonaia8en.

v. Ashetenre, Se8enniiio, tsi tetieseronni-  
aaha tieteron ;

r. Ne ashetenrate tsini satanitenraskon.



## ANGELUS.

Ra8enniio tonnhaon raronhiakehronon, On8ari rahroriane; nok ethone Niio Roienha rotiataten kaiatakon, Rotkon Roia-tatokenti roiatonni. *On8ari tekonnohronk8anion...*

Kenkiteron rao8enk ne Ra8enniio tsi konnhe, etho kati nia8en tsini se8ennoten. *On8ari tekonnohronk8anion...*

Onen onk8e rotonhon Niio Roienha, onen 8asonk8ennakeratse. *On8ari tekonnohronk8anion...*

v. Tak8aterennaienhas ise Niio hetsienha iotonhon;

r. Aia8en taiak8atentsa tsini sonk8arharatstenni.

Se8enniio tsi iakionnhe, okstentsi tak8-entenron tsi tak8atokenstenni tsi onk8e rotonhon n'Hetsienha, ethone siharorianon ne raronhiakehronon n'On8ari; tak8entenrat kati tsini sonk8aronhiakense nok tsi

sonk8enheiase, aontiesenhake aonsasak8a-  
ierenhake ne shotonnheton ; raonha Iesos  
Sonk8a8enniio iak8a8ennak8ekon tsi k8en-  
nitentase, ethonaia8en.

---

# SUB TUUM.

Etho ionk8atek8ashen tsi tesiteron, saia-  
tatokenti Niio hetsienha, tosa skenhronni-  
hek tsi k8ennitentase ; nok othenon neni-  
onk8aiata8en ne kanoron, ask8aiatanonstat-  
seke ne ionkaronniatha, iahte senak8aien-  
teri, saiatanehrak8at, tsiatanoron, ethonaia-  
8en.

Saiatatokenti ne sateionkiiats, ise oni se8a-  
k8ekon ne se8aiatatokentison karonhiake  
tise8anakere ; onen non8a se8ak8atse ko8a,  
tak8entenr tak8aterennaienhas, asonk8en-  
tenrheke ne Ra8enniio, iaete8ak8ekonhake  
karonhiake tsinen8e.

Iesos iesanekanonten otsate otsitsiatken

tekaieston, tak8entenr tosa akenekakaste  
tsinen8e.

On8ari saiatatokenti iah othenon tesaia-  
toronhon sasatiatata, tak8aterennaienhas  
ne k8aniahesen.

On8ari saiatatokenti, iontek8ashentak8a  
niakori8anerahakskon, tak8aterennaienhas.

Se8enniio 8akiatonti noneshonhronon,  
onkerihonti noneshonhronon aori8aokon.  
Tokenske, Se8enniio, iah non8a taionke-  
8ennakarata; ak8a non8a ii 8akiatonti  
noneshonhronon; ii onkerihonti noneshon-  
hronon aori8aokon; onkerihonti kanaiese-  
ra, kanak8aiesatsera; onkerihonti iakonon-  
8arahtontha iakonon8aroriatha; onkeri-  
honti kanak8ensera, atats8enhon; sonhaa,  
Se8enniio, 8akon8enniioste tsi konnhe nok  
tsi enkiheie, ethonaia8en.

---

VENI SANCTE.

Karo kase, Satkon Saiatatokenti, sheiati-  
enhas non8a sheienōkonha, nok satekat ra-  
oneriane iesanon8estha nakatsiroten.

v. Aontask8atenniethase sanikonhratokenti.

R. Ase aonsonton non8entsiak8ekon tsi iakori8iioston.

Niio Se8enniio, ise hetsennhaon ne Rotkon Roiatatokenti asonk8arihonnienniheke nonk8anikonhrakon; ask8entenre aiak8atontatseke tiotkon tsina tesonk8as8atetennis, aia8en aiak8atkathoseke tiotkon tsini sakotsennonniatennis ne iakori8ak8arision tsi iakori8iioston: ne ask8entenrate Iesos tsiatatienha sonk8aronhiakense nok sonk8enheiasse, ethonaia8en.

---

*On8ari iakotenratha.*

8ari saiatatokenti, sonhaa iah non8enton tesaiatoronhon ne iotaksen, sehiiarak nisa tsi iahnon8enton te iakohronken naseiate8enteton kaneka iakonitenton iakon8enonke satanitenrasera, naiesaniahese naseiatakennha. Ii kati non8a 8akeri8anera-


haskonko8a, ak8a te8akennikonrakonta-  
 k8enhatie tsi konhiatisakonhatie ; ise taki-  
 enha ne iesennakeraton niahte ienak8ai-  
 teris ; sasitakta 8akatisk8entaren : teskka-  
 nere 8akonshenane tsi tsiteron, tsini 8akh8i-  
 shenne nakeri8anerahaksera ; okenrake  
 katerakenries tsini skatats8ens. O ise het-  
 sienha ne Niio, satetsiatanitenron, senis-  
 tengeriio ko8a, tosa sakenhraten tsini kon-  
 hiennitentase naskitenre naonsakatatre8a-  
 teon8e ; asatahonsiioste tenhnon tsi 8akate-  
 rennaien, nok asatontate naskaterennai-  
 enha, naonkeri8iistonhake, ethonaia8en.

---

EN EGO O BONE.


O Iesos sanikonhriio, Iesos satanitenras-  
 kon, teskanere non8a tekoniatsotani ;  
 te8akennikonhrasahaton tsi koniennitentase  
 ak8ah asiaton on8e nakeriane : aonton-  
 k8ehtakonhake tsi 8akeri8iiston ; aonker-  
 hareke naskitenre ; iosatste akonnoronk8a-  
 ke tsinen8e ; tiotkon akatats8enseke tsini-

kon te8akaterienta8enriehon non8entsiake ;  
 tiotkon oni aonk8aterientasonhohake nok  
 sa ok aonsakatatre8ate nothenon en8akenn-  
 hike ; tiotkon oni akerheke taonsakeri8ase-  
 rako nakeri8anerahaksera okon, tsi tenkia-  
 toretake, ia8et tenkkanerake nakenikon-  
 hrakon tsi teiesa8ehestanion tsiatak8e-  
 kon ; akeri8anoronk8ake tsini sk8entenron  
 nethone, nok aonkenikonhranon8akseke ti-  
 otkon tsini iesaiesaton nonk8e ; nene taho  
 nenne totrorihne naonnise ne ronontiio nok  
 rotokensehak8e Tafiit tsi ratonhak8e : Tei-  
 onkesnonsa8eheston, teionk8asita8eheston,  
 nok iakosetanion nakstien okon tsini ion-  
 kieren. Ise hiatrorihak8e o Iesos sonhaa  
 tsini saiatanon8et ! ne kati non8a ask8en-  
 tenrate.










649/100















































arcous, J  
2292.

Microformed by  
Preservation  
Services

C  
mfh # 6540.06

10 OCT 95

